

續修廬州府志卷九十八

花翎道銜江南安徽廬州府知府清泉黃雲總修

平捻紀略上 據淮軍平捻記錄要

同治四年三月江蘇巡撫一等肅毅伯李鴻章奏派遇缺題奏按察使張樹聲督同廣西右江鎮總兵張樹珊統帶樹字六營赴徐州督剿捻匪張總愚及粵匪偽遵逆賴汶沆毫捻任柱牛老紅於海贛又檄調直隸提督劉銘傳會同遇缺題奏提督周盛波等統率所部渡江由六安前進臨淮徑赴徐宿一帶防剿先是咸豐三年粵逆陷安慶踞金陵分黨破鳳陽歸德進圍大梁其時皖豫之交匪踪蠭起捻首李士林劉疙塔劉元吉任二

續修廬州府志卷九十八 平捻紀略上

皮等聚黨橫行而張落刑起於蒙城雉河集尤凶悍狡黠爲羣寇冠同治初元中州軍事日急毫捻則有張落刑蘇添福王懷義孫繼先等豫捻則有陳大禧等穎上一帶又有苗沛霖首鼠兩端東則有長槍會匪王廣奇又值汝南土匪蠭起一歲數出往來剽疾東豫皖北淮徐一帶郡邑殘破捻逆之別股又與粵逆陳德才藍成春等合股竄泌陽擾宛郡入浙川荆子關進至商南踰秦嶺圍西安折而東趨楚境則鄖陽房竹等處亦時有捻踪同治二年春張落刑伏誅其姪張總愚又與陳大禧勾結四出竄擾直東教匪復熾僧邸率軍北衛畿南苗沛霖乘機竊發戕官據城煽蒙亳圍臨淮日亟至五

月捻首蘇老夢等糾李大箇子等攻永城之丹城集石弓山銅鉤集陳家樓大肆焚掠程四老砍及大禧子姪等由六安竄入固始

朝廷因命僧邸督軍南下由亳東進討河南團練大臣毛昶熙又分遣諸將進圖亳匪張總愚遂糾巨捻程二老砍等直犯豫境至十一月僧邸抵蒙城督總兵陳國瑞等進攻斬苗逆擒石弓山捻相盤及葛小年鄒喚林龔躍置諸法程二老砍李大箇子魏羣兒率眾乞降皖北稍定時大學士一等毅勇侯曾國藩督兩江與江蘇巡撫李鴻章會議以楚軍罷戰十年困於行陣金陵旣復大憝授首東南軍事告竣北捻未平淮軍舊部在鄉里

續修廬州府志卷九十八 平捻紀略上

二

團練素爲捻逆所畏暫留淮勇以備中原勦捻於是淮軍僅裁撤老弱數千其各營勁旅尙存五萬餘人粵捻合股縱橫楚豫之交四月以後此出彼入與皖楚諸防軍大小數十戰而東路軍事日警秋八月偽渠陳德才偕藍成春自麻城竄羅田與馬融和之股合賴汶沆與張總愚合由麻城竄黃安總愚又與毫捻任柱牛老紅等合逆氛日熾僧邸統帶馬步隊逐賊而行亦互有勝負諸路防軍雖密而賊踪飄忽至九月二十八日僧邸及賊於蘄州敗之賊分兩股遁張總愚等竄太湖宿松之間陳大禧等竄英山以東漸近商城會各股粵逆十餘萬眾爲僧邸擊敗次第乞降惟賴汶沆一股仍與張

總愚合而折趨豫境十一月初九日僧耶擊賊於襄陽降賊復叛僧軍大挫賊遂由鄧州南陽趨魯山僧耶躡敗之賊因竄尉氏又折向鄢陵南趨至四年三月捻逆大股悉入山東曹縣境賊騎疾於風雨數日間竄至曹單定陶城武荷澤鄆城鉅野金鄉濟甯諸處遂由曲阜向滕嶧復渡運河折向東北奔蘭山南趨郯城赴贛榆青口岌岌有南下之勢

朝廷慮擾及裏下河乃

詔江蘇巡撫李鴻章迅飭張樹珊吳毓芬馳赴邳宿防守並令劉銘傳一軍由蕭碭前進其覆奏疏略曰先是漕臣吳棠來咨商調吳毓芬赴浦策應臣以揚州重鎮關繫緊

續修廬州府志

卷九

平捻紀略上

三

要吳毓芬兵力本單未可遠離因檄令現守鎮江之廣西右江鎮總兵張樹珊統帶樹字六營護軍一營洋槍隊馳赴清江相機堵剿是時粵匪之餘股竄閩者又復披猖淮軍楊鼎勳勳字六營黃中元親兵二營及郭松林松字七營曹仁美護衛一營皆奏派赴閩援剿朝廷又以捻竄海沐慮裏下河完善之區為賊紛擾於是又有該督撫應否出省前赴江北督剿著酌度辦理迅速馳奏之

諭鴻章乃上疏具陳南北軍情其略曰臣飭劉銘傳張樹聲各軍馳往淮徐援剿並郭松林楊鼎勳兩軍先後起程航海援閩各情業已專摺奏陳嗣據張樹聲張樹珊等稟

稱已於初六日統帶樹字等七營行抵清江適捻股回竄邳州沐陽境內清淮空虛該軍暫紮河北鎮定人心並准漕臣吳棠函稱邳宿運河已經各水師布扼清淮原防陸軍已悉數派赴宿遷堵剿應令張樹聲等暫行扼防裏下河門戶俟劉銘傳等大隊到齊即可相機並進合力兜擊又據宿遷縣知縣吳元漢馳稟初九日捻逆回竄經官軍擊敗遂向山東郯城馬頭集西北一帶逃竄等語從前捻竄海州時吳棠商調水陸各營分布扼守嗣聞竄邳淮界內距清淮將近二百里黃翼升暨歐陽利見等水師與張樹聲等陸軍先後趕到劉銘傳於初六七日周盛波於十二日自六安分起拔營亦克

續修廬州府志

卷九

平捻紀略上

四

期可至聲援已壯賊踪愈遠裏下河斷可無虞卽淮徐各郡亦可保守臣身任地方籌兵籌餉兼辦洋務事緒紛煩未便遠離惟隨時會商督臣漕臣妥為調度以期顧全大局至臣所派援閩各軍隨時由海道酌濟餉項軍火南北軍情似應兼籌奏入奉

旨俞允

五月初四奉

詔以李鴻章權署督而授曾國藩為

欽差大臣督辦直隸山東河南軍務以親王僧格林沁陣亡捻氛日熾故也初張總愚賴汶洸等由沐陽西竄勾結郯北伏莽數萬四路圍集僧耶遇害全軍遂潰四月二十

四日國藩既受任所用多淮軍鴻章以西洋火器精利倍於中國自同治三年淮軍各營皆僱覓洋人教練使用炸礮洋槍之法楚軍每營僅用抬槍小槍一百二十餘桿淮軍則每營用洋槍四百餘桿少亦三百餘桿每開一仗洋藥銅帽須數萬其軍又有開花礮隊四營專以開花礮彈及洋槍爲攻勦之具故火器之利爲諸軍冠而礮具之重大藥彈之繁冗每出一仗裝載各物須數十巨艦轉運軍火之繁重亦較難於諸軍其營規嚴整卒耐勞苦師行用古法日三四十里半日在路半日築營糧藥各隨其身所至可以戰守勞逸飢飽之間將領節養其力體恤其艱士咸鼓舞樂爲之用故能以整

治亂扼賊吭背

五月初九日鴻章乃疏陳防勦機宜略曰今欲圖制捻之策非令直東豫皖各省居民堅壁清野并令官督民團去邪扶正認真辦理則賊得就地擄食擄人增黨爲害竟無底止非令各省整練步隊勁旅扼要紮營伺近邀擊則賊得任往來徵調徒增疲乏無裨實用非令各將帥多練馬隊則無力兜追勦辦殊難痛快三省騎兵尤宜趕緊添練以備北方明末流寇嘉慶年間川楚教匪正與此股捻逆相似辦法亦須參仿曾國藩與臣部各軍於北方地勢未熟賊情亦異又無馬隊可利馳遂斷不如偕格林沁之神速應請不責近效而求遠略不

驚虛談而求實濟庶緩急可恃而殘寇可漸滅矣奏入奉

旨以畿輔地廣兵單防堵正關緊要著劉銘傳卽於所部勇丁內挑選精銳數千名迅速趕赴直隸與劉長佑會商分布直東交界地方嚴密扼防以固畿輔門戶鴻章以畿疆重地設有震驚憂患何極而銘傳等均在徐境道途遠隔勢不能遽繞赴北東南兵力漸厚誠恐逼賊北趨直東有防不勝防之勢遂以五月初九日奏派常鎮道潘鼎新統帶鼎字淮軍十營由海道趕赴天津登岸進紮景州德州以衛京畿得

旨褒獎謂能視國如家顧全大局並

諭直隸總督劉長佑先派大員在津迎護豫備撥船往大沽接運再酌僱船隻車輛由天津陸續裝運開花礮隊南下其應赴何路防勦均由劉長佑與該道酌商辦理每月餉項著直隸山東督撫按月解濟毋令缺乏時又奉諭以許彭壽潘祖蔭奏請飭解落地開花礮並揀諸悉製造火器之員由輪船北上並著查明戈登所練洋槍隊尙有若干酌量派援迅卽由輪船赴津時戈登所存洋槍隊千人爲副將余在榜袁九皋分帶統於潘鼎新鴻章以鼎新所部已有開花礮隊一營奉

諭後又調余在榜一營隨鼎新北援均由蘇松太道丁日昌僱備輪船四隻夾板船五隻於二十六日放洋北土

六月初三日淮軍劉銘傳周盛波等破任柱張總愚等
嚴匪於雉河初僧邸遇害捻逆盤聚毫東一帶安徽布
政使英翰統皖軍史念祖等駐防雉河集易開俊駐紮
蒙城爲犄角勢而張總愚糾合任柱牛老紅賴汶沆等
股匪由毫東攻雉河營易開俊兵單不能救英翰令史
念祖等固守自率二十騎退至西洋集易開俊亦進紮
西洋集國藩乃調淮軍劉銘傳周盛波進援雉河六月
初二日銘傳盛波等援軍齊至銘傳督軍攻石弓山賊
巢盛波分兵進攻渦河兩岸之賊迭次獲勝初三日黎
明盛波乘勝疾進張莊王圩之賊同時潰退時北岸賊
圩爲任柱所據盛傳等分路進剿任柱率死黨抗拒我

軍排礮雷轟賊騎萬餘以死相抵盛傳親率各軍大呼
衝陣賊始奔退張總愚從龍山率數千悍匪來援盛波
分兵相敵兩軍方酣戰雉河官軍聞槍礮聲知援軍至
史念祖等率守軍內外夾擊賊之後陣始亂盛軍乘勢
壓入賊大奔銘傳亦將石弓山龍山各賊巢踏毀兩軍
合而偏之賊遂分路逃竄雉河之圍立解時國藩以捻
逆漸成流寇若賊流而兵亦與之俱流則賊之資糧無
限而我之兵力有窮乃定議以四省十三府州之地設
四鎮重兵安徽以臨淮爲老營山東以濟甯爲老營河
南以周家口爲老營江蘇以徐州爲老營各駐大兵多
儲糧草子藥一省有急三省往援其援軍之糧藥卽取

給於所援之地其運道周家口臨淮兩軍由淮河潁河
濟甯徐州兩軍由南運河於清江設轉運局轉輸江淮
之餉以贍各軍於是以劉銘傳所部兵力最厚使統兵
駐防周家口約以賊自扶溝鄆陵回竄卽迎頭擊之張
樹聲統兵駐防徐州賊若回竄永城蕭碭卽自徐州移
師迎頭擊之潘鼎新統兵駐防濟甯賊竄曹單自濟甯
移師截之湘軍劉松山駐防臨淮賊竄蒙宿自臨淮移
師截之此外又派鴻章弟員外郎昭慶訓練馬隊一支
爲游擊之師

八月提督劉銘傳敗賊股於沈邱阜陽賊竄曹州自雉
河解圍以後髮捻分股西竄張總愚等由柘城太康扶
溝洧川徑趨而西任柱賴汶沆李允等由太和竄至沈
邱陳州周家口一帶國藩檄調劉銘傳全軍赴周家口
防勦時銘傳軍已進紮周口允派劉盛藻唐殿魁率步
隊各營張景春劉盛瑞率新練馬隊二營由周家口馳
赴潁州十二日及賊於沈邱回張寨賊伺我未定糾馬
步萬餘人分路猛撲我軍亦分路迎敵唐殿魁擊其左
劉盛藻擊其右張景春劉盛瑞馬隊由兩邊包抄賊遂
大奔我軍追三十餘里至洪河南岸瓦店等處擒斬甚
多奪獲器械無算攻破賊寨二十餘座賊向西南狂竄
十四日復折回洪河之北洋埠竄至項城西境之南頓
集距周家口五十里劉銘傳督隊由項城間道馳抵南

頓賊方踞莊擄掠不虞我軍掩至卽披靡我軍三路並進賊遽潰退銘傳軍疾追十餘里沿路擊斃以千計生擒三百餘人奪馬百餘匹賊乘夜越周家口徑渡沙河而北賊自雒河潰敗至是復爲銘軍挫衄精銳殆盡皖境於是肅清賊之東竄也其股以任柱爲主而賴汶洗牛老紅亦在其中本圖入青石關掠完善地旣敗於銘軍乃渡潁由西華竄太康銘傳躡追而前賊見銘軍望旗輒遁十九日遂奔睢州二十日銘傳追至賊又先發銘傳乃督馬隊馳追三十餘里及之賊四散狂奔拋棄輜重器械無數逐北十餘里馬賊迎敵又經張景春擊退賊遂回竄考城曹縣一帶盤踞定陶境內國藩恐賊

由青石關擾及青萊登三府飛飭劉銘傳仍駐周家口潘鼎新一軍扼守運河並調周盛波一軍移駐歸德張樹珊步隊馳赴山東協剿

九月十五日奏派遇缺題奏提督蘇松鎮總兵楊鼎勛統率勦字洋槍隊八營赴宿遷初粵逆自江浙克復後竄擾閩省久踞漳州窺伺廈門本年二月鴻章調郭松林楊鼎勛率所部航海赴閩援剿四月二十一日克復漳州漳浦六月凱旋回滬暫紮鎮江休息時捻股竄擾皖豫之間皖省渦陽蒙城一帶圩堡均爲賊擾賴汶洗一股自睢甯竄至周口旁掠陳許國藩派劉銘傳一軍駐周口周盛波一軍駐亳州捻逆被各路兜剿由豫境

北竄至山東曹考一帶鴻章派楊鼎勛統所部前赴宿遷遮蔽清淮相機進剿並飭郭松林舊部及親兵桂字三營淮勇前赴徐州聽調

九月初六日奉

上諭因捻匪竄擾南陽豫軍不能得力諭令李鴻章督帶楊鼎勛等軍馳赴河洛一帶防剿兼顧山陝門戶飭與曾國藩等妥籌商酌不必拘泥諭旨務期事臻善美鴻章因滙陳曰臣自欽遵

諭旨函商曾國藩原擬俟兵餉大端籌有把握再行縷晰復陳旋准曾國藩咨抄九月十九日覆陳摺片內稱河洛現無可勦之賊淮勇亦無可調之師李鴻章若果入洛豈

肯撤東路布置已定之兵挾以西行坐視山東江蘇之糜爛而不顧等語似屬切中事情曾國藩因業經覆奏未另與臣覆信臣再四籌思彼覆疏中已陳之言皆臣所欲言而不敢遽言之隱大局所關臣未便稍有立異但不知

批旨如何定見五中旁皇瞻前顧後仍有不能已於言者綜其大要約有三端一兵勢難遽分也我

朝從前武功專恃兵力此次軍務全資勇力臣初至軍營習聞周天爵福濟琦善向榮和春諸臣之議論皆謂旂綠弁兵馴謹而易調遣各省勇丁桀驁而少紀律其不得已而用勇就地召募隨時遣汰尙無甚流弊若遠調

數千里外終必誦潰誤事成豐初年廣西所募潮勇最多向榮張國樑等帶赴江南沿途騷擾卒至十年三月金陵之變一潰而遂不可收拾矣自曾國藩江忠源胡林翼李續賓等創練楚勇不用一兵蓋深知綠營廢弛已久習氣太深萬不足以殺敵致果而以楚將練楚勇恩信素孚法制嚴密又由湖南北轉戰江皖一水可通人地相宜是以歷久而能成功然李續賓唐訓方以楚勇勦淮北之捻劉長佑以楚勇勦直隸之騎馬賊均未大著功效則以離鄉太遠南北異宜勇性未能馴服何能得其死力曾國藩有鑒於斯故於金陵克復東南軍事將竣卽將所部湘勇全行遣撤但屬臣暫留淮勇以備中原勦捻自係因地制宜夫捻匪係皖豫東三省無賴糾合而成其隸皖籍者大都蒙亳潁宿人皆在淮北臣籍隸廬州實在淮南所部淮勇則廬州六安安慶揚州人居多皆濱江之處於長江上下防勦最宜軍士戰於其鄉亦較得力其性情風氣與淮北迥殊同治元年臣初由安慶赴滬湘勇以去地太遠均不欲從乃商之曾國藩就臣鄉里團練久戰之士選將束伍逐漸添募如程學啟劉銘傳潘鼎新周盛波等始僅爲營官帶數百人耳嗣因打仗可靠各增募至數千人今遂爲淮勇最勁之兵究之用於江淮南北必可指揮如意若逐漸調移山東河南邊境尙可勉強相從若赴河洛山陝並

預備勦除京東馬賊甘肅回匪之用水土不習誠恐遷地勿良勇心渙散

朝廷期望於臣欲以西北軍事相屬不過以臣在吳粗立戰功而臣亦惟賴所部將士踴躍用命若令臣去而平素慣用之健將勁兵不得隨行臣何能爲役曾國藩籌設徐州濟甯周家口等處防軍皆臣部最出力者臣若不募西行則聲勢不能大振若全調他往則東皖無以自立若另圖添調馬步而隨身先無親信可恃之兵勇必致敗軍債事而無裨於全局此兵勢不能遽分之實情也一餉源難專恃也凡欲滅賊必先治兵欲強兵必先足餉欲籌餉必先得人與地臣自咸豐三年至八年皆在皖北軍中竊見和春鄭魁士之軍戰陣頗勇旋因餉缺而潰袁甲三翁同書繼之更因餉絕而敗卽十年江南大營之潰十一年浙江之陷皆由於糧餉斷絕官文胡林翼籌鄂餉以供東征曾國藩進圖江皖以江西湖廣廣東釐金爲餉源左宗棠以浙餉辦江浙之賊臣以蘇滬入款辦江浙之賊皆能自我爲政轉輸不匱幸而賊事從古至今言兵事未有不先籌餉者也

諭旨慮及皖豫髮捻一日不除盛京甘肅勢難兼顧誠以捻滅而後騰出餉需非徒捻滅而後騰出兵力有餉則到處兵勇皆可用無餉則已成勁旅亦無用也陶茂林雷正綰皆多隆阿部下百戰驍將昔何勇而今何怯其一潰

再潰之故可知而知曾國藩夏間奉

命勦捻臣忝署江督卽以後路籌餉引爲已任以安其心數月以來分屯豫東蘇皖千餘里湘淮兵勇四萬餘糧運供支源源協濟又兼籌蘇松揚州留防各陸營長江外海各水師皖南北江西防勦遣撤各湘軍之餉雖以入抵出不敷尙多竭力勻撥幸無貽誤臣若奉

命西征現在進圖勦捻後路分防各軍之餉尙無專責之人卽臣帶兵遠出餉源當居於何處籌餉當責成何人亦未蒙

聖明指示若無確然可指之欸率眾前行必爲雷正綰陶茂林之續若非切實可靠之人維持後路亦無以安曾國藩

續修廬州府志

卷九十六

平捻紀略上

三

與臣軍各將士之心臣嘗默籌熟計目今大患在捻與同自須先圖滅捻若以現餉養現兵約計河南可養戰士一萬五千山東可養戰士二萬安徽可養戰士一萬江蘇可養戰士六七萬湖北可養戰士四五萬各省督撫果皆熟諳韜略認真籌餉練兵使一兵得一兵之用通力合作勿存推諉爭忌之心則兵與餉可漸足一二年間可奏效若

皇上專派大員而各督撫謂事有專屬或擁兵觀望或玩視軍需或勝則爭功敗則諉咎遂使客兵出境種種牽掣亦難必其收功之遲速矣臣若赴豫欲圖兜滅北捻必須多練馬隊以備衝突廣置車騾以資轉運餉需甚鉅豫

中蹂躪已久力難供應若專指蘇餉目下蘇滬稅釐分

供前敵淮軍已虞饑潰再添練馬步人數益多道路益遠勢必不支臣一經離任恐亦不能遙制此餉源不能專恃之實情也臣軍久在江南勦賊習見洋人火器之精利由是盡棄中國習用之抬槍鳥槍而變爲洋槍隊現計出省及留防陸營五萬餘人約有洋槍三四萬桿銅帽月需千餘萬顆粗細洋火藥月需十餘萬觔均按月在上海香港各洋行先期採買陸續供支臣每親自料理又有開花礮隊四營一爲潘鼎新帶往濟甯一交劉秉璋鎮守蘇州其副將羅榮光劉玉龍兩營爲臣親兵現分守金陵城外之下關江東橋兩處江口緣洋人

續修廬州府志

卷九十六

平捻紀略上

四

最重開花礮目下長江通商番舶來往奸人覬覦偵知有此利器可稍奪魄洋礮重者千餘觔輕亦數百觔其礮具之堅精藥彈之繁冗臣講求數年稍窺秘要他人多未及見更未與知臣既辛苦練成若出省督師必須酌量調往藉壯聲勢惟礮隊所用器械子彈盡仿洋式所需銅鐵木煤各項工料均來自外國故須就近設局製造蘇州先設有三局嗣因丁日昌在滬購得機器鐵廠一座將丁日昌韓殿甲兩局移并上海鐵廠曾經奏明欲再移設金陵爲久遠之計臣若遠赴他省則礮局與鐵廠久必廢弛不但技藝不能漸精且慮工費多有缺乏而臣軍接濟亦有斷絕之時此軍火恐不能常常

接濟之實情也臣所慮者祇此三端倘蒙

皇上天恩俯憫愚忱熟思審處俾微臣帶兵遠出日後無掣肘之患臣得効命疆場努力設謀幫同曾國藩等爲

國家殲此殘孽雖萬死有所不辭奏入國藩亦有陳奏奉

諭該大臣等均能詳細縷陳使朝廷洞悉此中利害實爲有見

現在賊勢趨重禹城張樹珊等攻勦正急而南陽僅止張總愚一股自不必再爲更張卽著毋庸置議於是任賴牛李各

逆自九月十五爲官兵所敗遂悉數南竄徐州分布豐

沛銅山境內盤踞湖團國藩調張樹珊回軍追勦並調

潘鼎新越境夾擊二十三日樹珊及賊於豐魚交界之

谷亭賊遽以馬賊來犯樹珊麾軍一面立營一面迎戰

續修廬州府志

卷九十八

平捻紀略上

五

敗之二十八日國藩又派營務處李昭慶帶忠樸等營

會同張詩日之步隊烏爾圖那遜之馬隊馳援二十九

日忠樸等營及賊於柳新莊賊見我軍步伐嚴整不敢

拒退至蘆谷山爲馬隊所衝擊賊遂紛潰我軍逐北二

十餘里逼入湖中淹斃無算賊遂由葉縣西竄初一日

至郝家集又爲色爾固善馬隊所敗初二日折竄豐縣

與後股合徧布城南十餘里時鼎軍留四營駐濟甯其

到豐縣者纔六營賊眾十餘萬方欲攻城初三日鼎新

以八成隊赴陳家莊迎擊離莊里許設伏整陣而待自

率零騎逼賊壘致師賊合馬步數萬人四面抄擊遇伏

兵以炸炮擊傷數百賊大驚潰獲級千餘器械無算賊

乃向西南狂奔折竄魚臺初四日鼎營道員潘鼎琛帶

留濟四營來豐與賊遇於豐北鼎新又追至兩軍夾擊

賊大敗遂西竄單縣賊一敗於忠樸營再挫於鼎軍不

得逞於徐豐乃竄豫

十一月初九日提督周盛波敗賊於甯陵十二日任柱

賴汶洸與張總愚合股竄扶溝提督劉銘傳由周家口

襲敗之時任賴牛李各逆自豐北之敗欲竄豫東偵知

東路防守甚嚴不能偷渡運河遂折而西竄循舊黃河

北岸繞赴汴梁欲與張總愚合股提督周盛波駐防歸

德謀賊北趨卽帶六成隊邀之初九日至甯陵之趙村

集捻逆圍攻甯陵城甚急盛傳整隊直逼城下時已二

續修廬州府志

卷九十八

平捻紀略上

六

更任賴悍黨俱於離城十五里屯紮盛波恐賊宵遁卽

進擊其弟提督盛傳與副將衛汝貴董邦傑三營伏於

黃河集復派總兵周壽昌劉啟福由東路進攻游擊楊

安典賈起勝由北路進攻自率副將周盛武楊正國由

呂家集中路衝其堅三路潛起任賴兩逆分三路迎

拒并揮眾由旁出包抄中路盛波誘至伏中三路兵合

將逆眾截分數處賊自相驚潰我軍乘勝壓迫四十餘

里時張逆正盤旋豫境聞任賴牛李等被創卽由西華

扶溝迎援復合股駐防周家口之提督劉銘傳謀賊回

竄初十日向東迎截十一日營軍於西華之上郭橋任

賴與張逆合勢復張圍扶溝城銘傳於十二日馳抵扶

清東宏濟橋遇賊邊馬當飭劉盛瑞張長發帶馬隊兩營爲前鋒自督馬隊一營步隊三營爲後應復派唐殿魁翼北路劉盛藻掩南路同時并進劉盛瑞將邊馬擒殺十餘騎追及城西里許遇賊馬隊大股數萬人分三路將我軍包抄中軍爲其所裹銘傳令軍士結團陣自固槍不及賊不發賊被槍殺甚多劉盛藻唐殿魁見中軍被圍派馮汝霖丁汝昌擊左王得成擊右我軍皆伏地狙擊李錫增馮汝霖施放炸炮斃賊無算賊奔潰逐北十餘里城圍立解軍士戰死者數十人當逆之東竄也未經痛懲自四鎮設而汛防有定加以淮軍之嚴整火器之精銳賊竟無可抵拒且徐州又添練游擊馬隊遂聚襄葉舞陽合謀竄鄂以掣我軍初國藩之設四鎮擬添練馬隊勁旅一支爲游擊之師令營務處員外郎李昭慶統帶前進因採辦鞍馬未齊駐徐州未動而朝廷屢以徐州東偏

詔催曾國藩前駐周家口國藩請令李昭慶統帶萬人赴豫再令色爾圖善及張樹珊樹字馬步各軍進駐周家口替出銘軍與昭慶所部爲兩枝游擊俟部署定後再進駐周家口居中調度徐州銅山沛縣等處忽有湖團奸民通賊之事國藩留徐

五年春正月捻逆竄湖北斬黃國藩進駐周家口奏派提督劉銘傳率所部進援黃州自去年冬十二月賊由

皖豫被創入楚賴汶沆牛老紅竄黃陂孝感諸境張總愚竄襄陽又有成大吉潰勇之變斬黃一帶遍地賊氛襄樊黃孝並警劉銘傳一軍方在豫截勦國藩調銘傳所部由光固麻城繞出賊前迎頭兜擊豫軍宋慶踵追入鄂是時張總愚竄襄陽欲東與賴牛合股聞銘軍至乃分掠唐縣新野南陽等境竄桐柏泌陽境上將南趨適銘軍在楚界豫軍復踵追而至賊恐前後受敵竄據明港驛圖由確遂西圍乘間北犯其時賴牛股匪蔓延麻羅黃孝間黃州各屬與皖省太湖宿松毘連而皖省無備安慶省中僅臬司吳坤脩帶兩營防守鳩章乃調王永勝統開字十營淮勇過江赴宿松二郎河堵勦以

固皖西門戶

二月

詔淮軍統領員外郎李昭慶率領馬隊赴豫協勦翰林院侍講學士劉秉璋所部淮勇親兵十營赴曾國藩軍營襄辦軍務國藩用劉銘傳扼守沙河賈魯河議防賊竄越賊之入鄂不意銘軍繞前兜擊不得逞志乃復分股折回豫境銘軍躡之而北及於正陽之宋店擊斬甚夥賊竄汝陽之馬鄉閭集楊樓我軍又踵擊之時豫省空虛捻逆疾捲而至與角逐者惟銘軍及豫軍宋慶所部鏖戰於南陽新野諸境而西北兩面皆無備故有

詔李昭慶赴豫之命時賴汶沆牛老紅由光州竄阜陽復由阜

陽折回豫境以三月初二日擾及沈邱項城鹿邑睢甯太康諸縣初四日直犯扶溝縣城知縣鄒金生礮斃馬步賊十餘人賊乃竄西華通許陳留尉氏初六日至朱仙鎮由杞縣睢州蘭儀考城疾駛竄入東境賴張二逆據山東鄆城水套

朝廷以蘇防稍緩飭劉秉璋赴曾營襄辦軍務秉璋所部十營益以況文榜常字營移駐宿遷張總愚牛老紅賴汶沆旋竄出水套連撲運河官軍敗之復竄河南商邱虞城夏邑劉銘傳軍追至賊突奔江南境銘軍截擊至於碭山大敗之賊知徐州備嚴乃復由碭山回竄虞城甯陵考城及商邱之劉家口

四月捻逆竄擾淮徐鴻章檄調南贛鎮總兵王永勝古州鎮總兵劉士奇統兵馳詣員外郎李昭慶軍合提督周盛傳劉銘傳之師擊賊於豐沛宿遷之間敗之賊分股回竄豫皖先是捻逆張總愚流竄東境任柱牛老紅賴汶沆各股在鄂敗遁復由皖而豫而東與張逆並股悉聚鄆城鉅野境內旋因直隸提督劉銘傳涼州鎮總兵周盛波等督軍追及臬司潘鼎新員外郎李昭慶所部分頭堵剿賊不得逞乃回竄蘇之豐碭將窺皖之蒙亳鴻章飛調王永勝統開字十營由宿松馳紮臨淮周盛波周盛傳由歸德疾趨亳州以遏其衝賊分股折由徐境東趨延擾銅山邳州宿遷睢甯界上劉秉璋駐軍

宿遷總兵楊鼎勛駐軍臺莊韓莊會同淮揚水師力扼運河以固充沂淮海之防鴻章飛調劉士奇統奇字七營由東壩拔營北渡又令長江提督黃翼升布置水路是時劉銘傳由曹縣追賊而南四月初五日率隊進解豐縣城圍復躡賊而東周盛波等亦與張總愚捻股遇於清澤境迭敗之鴻章令劉銘傳會周盛波等從西北進追劉秉璋會劉士奇王永勝等從東南兜剿二十日賊之前鋒竄回豐縣次日擾及沛縣二十三日至徐州城西總兵董鳳高李祥和各以兩營分路出隊擒獲數十名賊退二十五六等日賊竄銅山之雙溝楊家窪一帶二十八日竄宿遷之埠子鎮洋河集逕撲運河二十九日逼近桃源三十日襄辦軍務江蘇臬司劉秉璋督軍馳至洋河集探知賊大股在圩外五六里屯紮馬步萬餘四出焚掠劉秉璋令總兵王占魁吳長慶況文榜等各帶五成隊三更徑搗賊巢斬擒七十名五月初一日令各營整隊出擊賊且戰且走吳長慶況文榜等由舊河隄內外分路夾擊進倉家集賊陣大亂官軍乘之斃賊甚多另股騎賊六七百步賊千餘由倉家集西北抄我軍後直撲營壘守營將士堅持不動王占魁帶隊回援陣斬悍賊三十餘名槍斃賊目二名賊始退與倉家集之賊合并西趨初四五日張逆攻撲皂河及利運閘馬家渡一帶均爲水師鄧長里等擊退由是不復圖

犯運東乃由利國驛回竄徐州初七日將至時劉銘傳方赴濟甯與國藩會商阿河事宜其部將唐殿魁劉盛藻分帶銘軍駐紮徐州以賊氛逼近郡城初八日會董鳳高之師出擊行抵離城十八里趙莊寨偵知賊前隊盡在荆山橋河左右馬隊張景春保成等渡河接戰黃桂蘭劉朝幹等步隊三營渡河接應李錫增畢乃爾兩營隔河施放炸炮鏖戰逾時馬賊敗入河中上為步兵兜擊下為荆山橋所阻我軍俘斬甚眾賊眾悉敗過河東唐殿魁等督軍追殺十餘里奪獲賊馬三百餘匹斃賊百名而還張總愚牛老紅等遂由豐城碭山竄虞城縣豫省復警任柱賴汶洗大股自四月十三日窺撲泗

州城後復竄擾宿州二十三日竄至永城縣東胡莊寨正攻寨間周盛波馬隊一營先到突衝賊隊擒斬數十名賊退馬隊即在胡莊寨駐紮與步軍相離尚十餘里二十四日周盛波率軍前進行數里逆眾分三路夾撲以馬隊猛撲中路周盛波令童邦傑等排隊併力禦之洋槍炸炮迎頭轟擊逆眾不退都司周行發率馬隊由城西抄入賊後賊始驚潰其前路步賊經周壽昌等擊敗後路步賊亦經周盛傳等擊敗計斃賊近二百名弁勇亡者十餘人二十六日賊遂竄歸德三十日又折回永城夏邑之交初二日周盛傳出隊掩襲小有俘獲初三日由蕭縣之西竄入銅山擾及東賀村與荆山橋張

逆之股合適駐徐城之張詩日李祥和等營出隊至土山寺而周盛波追軍適至會擊又擒斬百餘名賊遂走由松山至宿州竄入懷遠渡渦河而南捻逆兩股自二月北竄以後堅圖渡運前在山東鄆城一帶搶渡後在江南宿遷一帶搶渡徘徊曹徐淮泗者兩月餘迄未得逞遂分竄豫皖國藩乃檄潘鼎新會周盛波兩軍為一路劉松山會張詩日等兩軍為一路專勦張逆一股劉秉璋會楊鼎勛為一路專勦任賴劉銘傳一軍調在徐州駐紮替出劉秉璋所部為游兵李昭慶一軍以八營赴防韓莊以十營赴防濟甯駐紮休息替出潘鼎新楊鼎勛兩軍為游兵各軍替換有期攻勦有定兵事漸有

起色

五月十七日周盛波大敗牛逆於永城是時牛老紅一股不能與張總愚合由白龍王廟竄渡渦河周盛波督各軍連夜追之十七日五鼓及之於渦河逆已渡河周盛波派周盛傳由西路進劉啟福等由東路進周壽昌等由中路進而令陳明昇周行發各帶馬隊一營從西旁衝截賊遙見我軍整隊而前即紛紛散亂我軍進蹙之牛逆驅悍賊數千人蜂擁回拒我軍馬步各營分路猛擊賊皆殊死鬪周盛傳坐馬被賊矛刺倒盛傳奮躍而起奪賊矛殺刺馬者徒步接戰兵勇初見盛傳馬倒惶懼至是無不奮命士氣百倍呼聲震天地賊乃大敗

有步賊一股逃入路旁廢圩周壽昌率師衝入圩內搜殺淨盡無一脫者牛老紅率餘賊向南狂奔我軍追殺二十餘里周盛波率偏師逐之十八日至亳州十九日至鹿邑馬家寨牛逆已竄入陳州境任柱賴汶洸自五月初與張逆相失由宿州西竄折向南趨渡滑潁兩河入懷遠鳳臺境平阿山一帶淮河南北伏莽竊發有勾捻過淮之謠鴻章乃令皖南鎮總兵王可陞派陞字兩營移守廬州王永勝由臨淮分隊赴懷遠劉秉璋進蒙城與王永勝等會合剿辦二十三日王永勝軍馳至懷遠二十五日劉秉璋軍馳至蒙城周盛波亦自馬家寨回援二十六日至潁州東棗莊集賊聞援師四集遂自平阿山全數西竄欲由潁郡留陵口偷渡沙河竄擾光固盛軍突至不得逞折向東北竄逸繞至烏江河上游周盛波麾軍三面迎擊洋槍炸炮連環轟發逆勢不支復西奔二十九日賊竄至太和六月初一日至港溝劉秉璋與皖軍英翰等跟追沿途均有殺傷張總愚一股自五月中旬由虞城西竄潘鼎新與劉松山張詩日三軍追剿二十一日同抵甯陵探知逆股已至睢州南河陽集官軍躡之賊不敢留二十一日撲犯陳州旋退走二十二日竄近周家口之北寨牛逆亦由苑寨偷渡河南與張逆復合駐防周家口之右江鎮總兵張樹珊派副將閃鳳來馬隊迎擊復分隊雕剿逆眾連夜由逍遙

集一帶渡沙渦河遁張逆自鄆城西遁牛逆自商水西遁均奔遂平確山一路欲由信陽竄光固六安沿途伐竹爲矛補製兵器國藩以張牛等逆既渡沙河以南任賴等逆亦渡淮并趨南路因定議於沙河賈魯河設防乃奏請曰捻逆各股回竄豫皖兩省中原平曠之地四頭八達若不擇地設防終不能大加懲創本年防守運河粗有成效應卽仿照於沙河設防俾賊騎稍有遮欄庶軍事漸有歸宿查沙河上流直至郊縣汝州地界太長幾無止境擬自周家口以下至槐店止扼守沙河自周家口以上至朱仙鎮止扼守賈魯河由臣派兵設防自朱仙鎮以北四十里至汴梁省城又北三十里至黃河南岸無河可扼挖濠守之由李鶴年派兵設防自槐店以下至正陽關以下仍守沙河由喬松年派兵設防自正陽關以下卽係淮河由臣派水師與皖軍會防各分汛地層層布置或者漸逼漸緊逐逆於西南山多田少之處官軍較易爲力云遂檄劉銘傳自徐州馳赴沙河與潘鼎新張樹珊會防扼守朱仙鎮以下四百里請豫撫在朱仙鎮以上七十里設兵又令劉秉璋楊鼎勛王永勝等淮軍及張詩日劉松山等湘軍分路游擊以資聲援自捻逆之搶攘中原皆馳逐於平曠之地從前各軍以窮迫爲能事然賊騎既多馬匹糧食皆野掠於民無所靳惜奔竄盡馬力往往日夜行三四百里馬斃

掠以易之我軍戰馬皆出採辦喂養有額統帥請之於朝營官領之於統帥騎兵復領之營官一兵祇此一騎以之爲性命戰陣間兵惜馬力尾追不能及賊前路復無防範是以賊雖屢敗終不能制其流竄上年劉銘傳帶兵入豫察看地勢卽創扼守沙河之議國藩以兵力未齊未遽允行至是卒行之自扼河防守之策行而賊之踪日蹙嗣是阻要隘築牆堡一致功於河防再致功於運卒以之合圍殄寇其機實由於是云

六月二十七日山東臬司潘鼎新敗賊於太康任賴股匪竄過賈魯河西各軍仍理河防自議定扼守沙河賈魯河之策六月中旬已調銘軍盛軍鼎軍分防沙河乃

夏雨過多水勢盛漲南陽微山等湖與運河連成一片各路脩隄牆自韓莊以下八閘兩岸較高沙土質鬆雨後盡皆坍毀自黃林莊以下二百餘里兩岸較低堤身全被水淹積潦盈途深過馬腹軍中米糧子藥車載夫運寸步難行文報往來亦多阻滯時任賴捻股因張市朱仙鎮等處河水所阻不能西渡盤踞於太康之崔橋杞縣之五父口通許之底閣等處六月二十日山東臬司潘鼎新率師行至西華縣爲大水所阻各營覓水而進二十五日逕趨崔橋賊大股先退二十六日官軍分兩營留紫崔橋以馬步十一營裹糧疾進遇馬賊數百於石頭岡各勇爭先奮擊獲馬三十餘匹賊敗走追至

油坊岡大林賊幟密布偵知有伏潘鼎新分各營爲三路令潘鼎立率三營爲中路戴春林率三營爲左路吳從發率三營爲右路又令唐宏成一營於林叢中或隱或伏爲誘賊之計逆眾果出林搏擊我軍連營齊進斬擒悍賊數十名追至林後油坊岡賊寨潘鼎立揮眾攻其南寨門一躍而登眾皆擁上遂破其寨賊皆翻牆而遁我軍追殺四五百名立將大寨奪回潘鼎新卽留兩營守之仍前追勦甫行三里任逆率悍黨衝至馬德順帶馬隊鏖戰其時附近寨賊俱蟻屯十里外潘鼎新親督各營整陣以待未幾步賊從中路大至馬賊左右分抄各營連環轟擊逆勢不支紛紛敗北追至武岡沙窩

一帶各路寨賊俱遁官軍亦收隊二十七日乘勝追勦至高陽集任賴兩股不敢停趾竄過賈魯河以西張牛二賊亦竄至裕州葉縣時防河之策因大水毀牆未能遽行國藩改令銘鼎盛三軍移赴睢州曹考一帶專辦沙河東北之賊鮑超之霆軍及劉秉璋楊鼎勛王永勝之淮軍劉松山張詩日之湘軍仍辦沙河南之賊至是捻逆爲鼎軍迎頭截擊復渡竄賈魯河西於是復理防守賈魯河沙河之議於前段防守銘鼎樹三軍外又檄添周盛波一軍分守

同治五年八月中捻眾擾及長葛洧川圖竄東境劉銘傳潘鼎新等軍分防沙河賈魯河各汛脩築堤牆於八

月初告成賊計頗沮十三日張牛任賴併股屬聚於許
禹一帶劉銘傳潘鼎新因汴軍朱仙鎮至汴梁省城黃
河汛地長牆工未成先一二日馳至汴梁助脩省北濠
堤一段十四日劉銘傳回至尉氏潘鼎新回至樊寨十
五日逆眾由汴梁左右東竄十六日二鼓大隊直犯豫
軍長牆夷塹填濠豫省守軍撫標三營不能敵牆破賊
遂東逸時銘軍駐紮朱仙鎮遙望火光漸迤西北知豫
軍汛地有警即令烏爾圖那遜等馬隊向東唐殿魁一
軍向北截勦比至賊已全股渡河烏爾圖那遜馬隊覓
渡蹤追至杞縣境內頗有擒獲唐殿魁追至汴梁城南
遇牛逆後股橫擊之截殺馬步賊千餘人餘賊向南逃

續修廬州府志

卷九十六

平捻紀略上

七

竄是時捻眾大勢東趨不旬日間蔓延荷澤曹縣鄆城
鉅野一帶欲渡運河國藩檄令劉銘傳潘鼎新兩軍追
擊曹單濟甯一路江蘇臬司劉秉璋蘇松鎮總兵楊鼎
勛右江鎮總兵張樹珊等三軍回顧徐州韓莊一路時
沿運上游開河靳口以北有東軍分防韓莊八間有李
昭慶軍分防捻逆四大股合併爲一飄急湍悍運防喫
緊而國藩以積勞致病請假

朝命李鴻章以兩江總督攜帶關防馳赴徐州調度湘淮各軍
防衛淮徐以東並與山東巡撫閻敬銘商辦山東軍務
鴻章乃飛檄南贛鎮總兵王永勝統開字十營由六安
渡淮馳赴泗州屯駐並飭道員吳毓芬酌帶華字四營

前赴清江暫駐又抽調鄭國榜等魁字兩營總兵吳殿
元親兵一營徑赴徐州防堵鴻章於九月初九日由省
赴徐是時銘鼎兩軍躡賊至於鄆北梁山鼎車與賊接
戰大勝賊由鄆北折回西竄初四日追賊曹州頗有斬
獲兩軍遂由考城分進一至杞縣一至睢州初八日銘
軍抵睢是日賊即由睢州西南逸

九月十二日賊首張總愚等以窺運河不得逞乃圖決
黃河斷流徒涉是日薄河掘堤二十餘丈我軍急擊之
賊大潰不得合張總愚率股自中牟竄許陝經靈閣入
秦是爲西捻而任柱賴汶洗一股復由豫回竄東境是
爲東捻二股自此遂分二十一日東捻股首任柱賴汶

續修廬州府志

卷九十六

平捻紀略上

七

洗率賊日撲運防沿運各軍皆嚴守二十七日銘軍敗
賊尾隊於曹州二十八日鼎軍敗賊嘉祥縣奪獲賊騎
數十匹生擒賊目宋金庸時山東肥城縣黃崖山土匪
起事東撫調鼎軍往勦二十九日賊在鉅野銘軍與賊
於葛店馬隊進抄賊館賊敗南竄十月初一日銘軍及
之馬鞍山口縱橫奮擊生擒二百餘人尾賊悉棄輜重
回奔爲各團寨民搜殺殆盡賊前隊排紮不動銘傳分
兵三路薄之使劉盛藻當西路唐殿魁當中路而親率
黃桂蘭當北路分隊齊進賊卻追至十餘里田履安丁
汝昌當先率勇衝入賊陣各軍三路兜擊張景春馬隊
由後包抄賊眾各鳥獸散追抵金鄉縣東北又殺賊千

餘降馬賊二十三名賊復窺淮徐一帶運河十月初三日鴻章軍抵徐賊之大股南趨亦離徐百里鴻章檄調王永勝開字十一營進紮皖徐交界之雙溝劉士奇奇字七營進紮運河西岸之舊邳州又添調水師分扼運河上下徐防益密銘鼎軍又躡追而至張樹珊率樹字八營亦與鼎銘軍會合進逼賊由金鄉竄抵豐縣肅堰初四日官軍截擊賊折回魚臺初五日銘軍追至魚臺李家溝初六日又追至金鄉羅屯賊先排隊待戰以馬隊抄我輜重張景春吉爾洪額等擊敗之初七日乘霧復回竄豐沛初八日銘軍亦折回道及於魚臺賊轉向東北我軍擒斬尾賊百餘名賊首劉光遠朱道等率眾

降初九初十日賊由羅屯羊山一帶南竄劉銘傳追至金鄉時賊在城西方築壘不虞我軍之遽集也十一日五鼓銘傳分兵三路令劉盛藻由城南黃桂蘭劉朝幹由城西分撲賊巢唐殿魁在後接應馬隊由旁抄擊賊出不意大潰擒斬賊三百餘名獲騾馬輜重無算復追至單縣雞黍集是日張樹珊由碭山進軍至豐縣趙家集薄暮遇敗賊令閃鳳來馬隊擊之賊騎遁走十三日追至豐縣西關外甯家莊紮營甫定馬賊由西北來逼我營樹珊先令閃鳳來在前誘敵令各營分路迎勦自率開花礮隊接應賊卻走追至橫堤賊整隊回撲爲開花礮轟斃無數賊勢不支竄縣寨東北其前股繞出我

軍後遇堤折竄東南官軍返旆躡之馬隊馳擊賊始潰遁夜張樹珊令各營襲賊於豐縣東南張武樓賊馬步大股麤聚我軍三路齊進賊倉卒奔逃賴逆僅以身免各營猛追二十餘里收隊時已四鼓是時任賴二逆爲我軍截斷任向北竄賴向東南十三日銘軍追至豐縣北渠家寨賊適攻寨見我軍至奔入沛縣湖團湖團四面近水鴻章之遺樹字營也密授機宜令逼賊入湖團就地勢殲之各軍進逼賊窘突入之鴻章飛檄各軍斷其出路賊乘兵勢未厚十五日由新團邊界捨死衝突遂竄回金鄉銘軍遇於姜家樓整隊迎擊賊從旁路狂奔馬隊追及之於魚臺舊城小有斬獲十六日賊由程

莊南竄銘軍又追及之賊乃分股回繞我後劉銘傳令唐殿魁等西擊任逆劉盛藻等東擊賴逆其馬賊先爲張景春等所敗劉盛藻與戰甫開槍礮賊遽潰奔我軍奮追斬步賊百餘斃擒首程小貓任逆疾走唐殿魁等猛追斬擒首高尙義並馬賊十餘人賊分兩路南趨十七日銘軍追抵豐縣龔橋賊由豐北回竄適鼎軍自東而南至瞿家莊與賊大股相遇賊方避銘軍之跟迫不虞鼎軍之旁出大駭欲走而將士勇氣百倍衝賊陣爲數處追殺十餘里至張家集任逆在頭隊迎拒賴逆帶花旗步隊在中總兵方有道視花旗所在策馬刺賴汶洸於萬眾之中墮馬徑前擒之餘賊攢矛反刺有道中

傷十餘處陣亡賴逆脫走仍由金鄉邊界竄回魚臺東北十八日我軍追及魚臺城北二十餘里賊向西南反奔敗之於羅官屯賊走湖邊清河沿相里集十九日由孫家橋一路進追賊將由唐固集犯濟甯我軍攔勦賊橫列馬步十餘里乘勢猛撲我軍以曠野無可扼紮乃分營爲三大陣包輜重其中悉力進戰馬賊分路環伺步賊繼之中我槍礮三撲三敗賊人馬斃者遍野我軍開花礮八尊礮架已震裂其五且戰且追至徐家店步賊已遁馬賊尙踞大莊不動我軍以四營繞抄其背排槍擊斃悍賊甚多前後復夾攻之乃闕潰由西南奪路竄二十二日張樹珊與劉銘傳合軍追至鉅野賊東竄

郟城武安集二十三日走曹州境郭明口二十四日我軍追及之賊隊復折而南先有馬賊數百竄至濮州境爲官兵橫截擒斬百餘名二十五日賊正股由曹州竄定陶城東土店劉銘傳與張樹珊等以兵落賊後不能力挫其鋒必疾馳百里出不意攻之方可奪賊之氣遂一日馳抵定陶時夜已二鼓劉盛藻唐殿魁由東進擊劉銘傳張樹珊由西策應四更後直襲賊館賊殲除大半賊眾乘暗狂奔二十六日黎明劉盛藻唐殿魁及之於曹縣孫老寨值任牛二逆整隊喘息我軍猛進復棄輜重南走張樹珊追至曹縣遇賴逆繞城南走卽令劉克仁張樹屏等率隊進擊劉銘傳亦使黃蘭桂畢乃

爾迎頭截之殲斃不可勝計逆首賴汝沅僅率數十騎向南遁去餘黨數百名棄械乞降劉克仁閃鳳來復追至土岡集擒獲賊首楊大阜餘賊狂竄豫境歸德西南一帶事聞得

旨出力員弁查明彙保陣亡之提督銜記名總兵方有道守備袁正泰千總侯鳳德記保把總劉日清均優卹如例賊自九月二十日以後復犯東境屢撲運河由梁山南竄金魚豐沛又盤旋曹濟前後將及一月始潰逃入豫回竄歸德南至羅山復爲盛軍所敗再竄皖鄂之交自此銘盛各軍遂有入鄂之役

十月二十日奉

上諭曾國藩著賞假一個月在營調理

欽差大臣關防著李鴻章署理鴻章得

旨卽疏陳日前奉

旨飭令進駐徐州本係總督管轄之地疆吏應辦之防凡清淮

以東宿蒙以南如兵力能及臣皆責無旁貸故不敢稍有推諉茲復奉

命接署

欽差大臣則凡髮捻所到之區眾人束手之際皆將責望於微臣以臣智術短淺才力薄弱實難勝此艱鉅非敢沽謙抑之虛名拘辭讓之末節揆時揣分戰慄驚怖誠有不能自己於衷者惟恭摺

聖諭因曾國藩積勞致疾重煩

厘念令臣暫時署理爲一時權宜之計若再三堅辭往返耽延
既無以仰體

宵旰之憂且令曾國藩病軀候代情誼亦覺歉然展轉焦思惟
有仰懇

聖明從容籌議知兵大員督辦勦捻軍務或候曾國藩調理就
痊仍舊辦理俾臣稍安愚拙獲覓大戾感戴

高厚曷有既極但就目前有必須豫爲籌度者有不敢豫爲限
制者謹爲

聖主一一陳之上年九月奉

旨令臣帶兵馳赴河洛臣卽恐一離本任則糧餉軍火均無所

續修廬州府志

卷九十六

平捻紀略上

三

出當將可慮三大端據實詳細覆陳曾國藩本年八月
二十三日附片奏稱將帥帶兵勦賊非督撫手有理財
之權者軍餉必不應手係閱歷真切之語年餘以來曾
國藩在前督師臣在後籌餉患難與共休戚相關雖士
馬未盡飽騰而臣之心力實已交瘁怨謗亦所不辭臣
來徐甫踰一月後路糧餉轉運相隔漸遠每恐呼應不
靈若再逐賊出境遠駐豫省軍務大局未必遂能有濟
而各軍餉需本任公事必多貽誤卽蒙派員接署督篆
各有責任各有作爲何能與前敵痛癢相連始終如一
若強爭則徒失和衷若隱忍則必分畛域軍需稍有掣
肘必功效全無潰敗立見臣去年摺內固已言之詳且

盡矣且臣自問本心於一切榮利素知恬澹若從此脫
卸地方事件專意辦賊事機可赴神智不紛猶可勉力
報効若因餉缺而潰亦非

朝廷所以用臣督師望臣成功之意臣從軍十數年稔知
軍情利鈍之由其樞紐不在賊之難辦而在糧餉軍火
之接濟曾國藩老病侵尋自萌退志臣每諄切懇勸請
若不耐軍事之勞頓卽請回任籌餉坐鎮要區彼總以
精力衰憊相謝然亦以勦捻全軍專恃兩江之餉若經
理不得其人全局或有震撼與臣再四密商迄無嘉謨
可以入告是以不得不賴

朝廷之善爲區處矣今

續修廬州府志

卷九十六

平捻紀略上

三

諭旨並未令人接辦江督與通商要件而詢及應否駐紮豫境
臣若至豫省邊界離江甯千餘里離蘇滬千數百里軍
儲之調發屬吏之稟承文牘往還動踰匝月未有不遲
誤者後路根本重地皆新復之區又多通商口岸設有
蠢動更難兼顧臣反覆推究事理務求一是綱領全在
得人

皇上若仍令臣兵餉兼籌須以駐紮徐州而止應仍如曾國藩
前奏東路稍鬆當回金陵或駐清江力籌餉運乃足以
固軍心而維大局捻逆在東則督飭各軍就近兜勦捻
若趨豫則體察諸軍之勞逸東路之防務更番酌調跟
追前往與鮑超曾國藩等軍會合夾擊劉銘傳等忠勇

奮發臨敵應變均尙可靠臣隨事商籌調度似不致遽有失機若

皇上專責臣以討賊在本境可兼管地方駐別省卽不能兼管地方如不兼管地方軍需當責之何人缺乏當如何處置非一二空言能有實濟此必須預爲籌度者也至捻逆入成流寇臣軍打仗雖尙得力而馬隊太少不及賊馬之多且悍曾國藩固屢言之臣到徐後審察軍情可以勝賊而尙不足以滅賊蓋賊敗後馬隊急走日百餘里我軍步隊至速日七八十里賊隨地擄糧我軍須齎糧而行現各軍略置車駝齎糧不過旬日旬日之外就地采辦而賊過處人烟荒涼城鄉窮苦往往停留三四

日購不出一日之食且餉銀遠道解送亦不應手軍士忍饑趕路催逼太緊恐生潰變我停一日賊走已數百里此勦捻賊之苦前親王僧格林沁所統馬隊尙多而仍屢蹶不振者職是之由曾國藩接手後有鑒於此故始爲設立四鎮旋議扼守運河沙河使地勢收窄賊勢較蹙較易兜勦目下運防水深堤密尙可扼住冬春淺涸尤須加意其賈魯河沙河地段太長人力難齊終辦不成爲今之計自應用謀設間徐圖制賊或蹙之於山深水複之處棄地以誘其入然後各省之軍合力三四面圍困之或陰扼其饑疲裹脅之眾使其內亂殘殺否則投降免死給資遣回以解散其窮蹙致死之心而披

命

離其黨羽或另有設守致困之法容臣與湘淮各將帥及各省督撫相勢妥籌但能同心協力冀有殲賊之時軍事隨時隨地變幻無常此不敢豫爲限制者也疏入故有是

十一月任賴捻股窺渡運河不得逞由鉅野西北奔逃十一月初間銘軍及之於羅山又大敗之賊因竄越固始十四五等日又經皖軍扼勦遂折回西南由商城竄光山繞山而逸周盛波督軍由光州四十里鋪越山追之十六日至白雀圍逆股猛竄已過界嶺向湖北麻城逸去周盛波因行糧缺乏暫駐待餉時湖北巡撫曾國

荃駐德安武勝關安徽巡撫英翰總兵張得勝等軍分紮六安波流潼霍山漫水河黑石渡等處鴻章以捻勢窮蹙湖北黃州各屬毗連皖西潛太英宿一帶皆有險可扼賊騎不得施展欲令各軍分路併進會合鄂師設法兜截或趁地勢以圖聚殲乃檄直隸提督劉銘傳江蘇臬司劉秉璋自周家口拔隊進固始商城與周盛波張樹珊分道入鄂由東北兜勦兼屏蔽皖省門戶又慮鄂皖之交團寨最少積糧較多賊到處可以掠食但能蹙之以兵力不能困之以饑餓而鄂豫交界山徑紛歧賊之出不經隨東南南陽卽由光羅回汝信是豫省南路必須扼紮重兵以備回竄夾擊之用復調全軍營務

處李昭慶統率南贛鎮總兵王永勝開字十一營徐州鎮總兵董鳳高馬步七營由陳州周口直進汝甯信陽擇要屯駐以防之任賴之由湖陽竄豫也本意自鄧析西趨疊爲諸軍所挫始折而皖而鄂至是見大軍雲集遂由孝感應山雲夢京山踞擾鍾祥白口一帶賊眾數萬於襄河淤淺處竄越前股擾及荊門之石排驛後股尙踞安陸境內張樹珊周盛波由應山折赴應城與鄂軍統領郭松林等會勦十一月初一日大破賊於安陸楊家峯賊遂折趨京山天門漢川雲夢諸處二十一日全股竄近德安距城僅三十里周盛波由雲夢中途折回向德安前進抵兩河口見隔河胡家店一帶賊眾

自北而南周盛波揮軍涉河迎擊是日劉秉璋軍亦至與盛軍聯絡進勦馬賊大股衝突我陣經大小炸炮連環轟擊逆皆死拒馬賊始卻步賊繼進我軍屹立如牆槍礮抵擊自未至戍臺戰四時連開炸礮百餘斃賊無數逆始潰全股折奔西北是時張樹珊與盛軍東西分進相隔二十餘里午後至德安王家灣適任賴牛李大股虜至張樹珊以游擊日久帶隊急迫至新家聞見賊屯紮楊家河東岸眾甚盛遂分所部六營左右夾進自督副隊居中馬隊游護其外過河躡賊殺傷無算賊潰敗樹珊督隊窮追賊恃其眾分大股抄官軍後路前後隊爲賊衝斷陷圍中軍勢旣分賊騎愈鳴張各營衝突

不得出遂分軍築營壘而親督前敵鏖戰夜三鼓猶未解樹珊所督副隊及親兵數百人傷亡殆盡樹珊大呼赴敵殺傷略當力盡墮馬賊遂害之樹珊自咸豐四年隨鴻章在皖北帶勇血性忠篤治軍精強嗣隨勦江浙歷克大郡以功洊保至遇缺題奏提督右江鎮總兵所統樹宇六營所向有功國藩又爲添募步勇兩營馬隊一營轉戰東豫各省所部在淮軍中人數最少然臨敵勇敢馭下有恩軍士皆樂爲用故常能以少擊眾鴻章常申戒之謂勇不可恃敵不可輕此次援鄂慮其輕進迭檄令與盛軍合進乃倉卒遇敵卒以身殉各軍莫不愴慟事聞奉

旨照提督陣亡例從優議卹

加恩予謚並於廬州府本籍及立功地方建立專祠其隨同陣亡之副將劉登朝郭有容都司馬壽文知縣李輝麟守備黃瀚均照原銜優卹並附祀焉是時銘軍亦進抵德安會合盛軍跟蹤追躡銘軍於本月二十三日由宋河追賊過山賊棄輜重西走京山二十四日劉銘傳親督軍至正值大股賊匪繞撲縣城乃派馬隊劉盛瑞等先行引戰步隊繼進黃桂蘭李錫增等抄出賊旁賊方分股回拒適唐殿魁劉盛藻率隊猛擊擒斬三百餘名救出脅從難民千餘賊乃遠遁二十七日追至白口賊踞下沙港二十八日任逆率馬賊埋伏河邊賴逆步隊排

列岡下牛李二逆率眾向西伴走欲俟我軍渡河入伏出而包抄銘傳諭知賊情詭譎分飭劉朝幹等由河邊迎擊馬賊劉盛瑞等逐賴逆親率唐殿魁等三路搗賊中堅任逆見我軍先攻其伏即率馬賊狂奔賴牛各逆亦相率逃去僅斬其尾股數十人

同治五年冬賴牛諸逆之敗於下沙港也由宜城流水溝循襄河上竄劉銘傳料霆軍駐樊城賊必不敢正走當斜出東竄棗陽正月初一日即督隊抄賊之前賊果由冠山口出銘傳派黃桂蘭等六營進擊唐殿魁四營接應劉盛藻繞趨山口斷賊後路牛逆一股已過山口向西狂奔任逆折回河邊望風奔潰我軍逆擊之擒逆

續修廬州府志

卷九十六

平捻紀略上

堯

酋郭包子王信等俘斬千餘人任賴被各軍勦急由河西折竄安陸十四日銘軍仍由宜城北路馳抵下洋港謀知賊聚尹澧河銘傳與鮑超約分道前進期兩面夾擊十五日辰刻銘軍先至尹澧河望見賊隊均紮對岸遂將輜重約退留王德成龔元友兩營護守銘傳親督隊過河進勦賊分馬步兩路馬賊千餘向北包抄步賊繼進欲薄我軍於河陳振邦保成等馬隊及賊陣未合遽迎擊之賊不戰而遁我軍分追五六里賊忽以奇兵躡我後銘傳恐後路力單失輜重乃分前敵步隊三營馬隊三營回顧後路賊見我軍抽隊過河前股悉眾回撲我軍未得渡馬隊又驚銘傳乃以十二營分三路迎

敵任逆率眾先犯左軍牛逆犯右軍賴李二逆抵拒中軍中右兩營將戰而任逆大股已將左軍全隊包裹劉盛藻鏖戰良久河岸地窄人多不能逞銘傳恐左軍有失令黃桂蘭張士元李錫增三營舍賴李兩逆往救左軍行不數武左軍已退過河李錫增見賊追左軍奮往救深入賊中爲槍子所中歿於陣賊乘勢進圍中軍任與賴牛李併力而至銘傳親督中軍戰且退右軍亦被圍奮擊不得出唐殿魁及營官田履安吳維章咸死之軍士歿者六百餘人賊追我軍過河銘傳督王德成龔元友等後路之師突起迎擊適霆軍亦至兩軍齊奮始獲勝殺賊千數任賴捻股乃向安陸西路竄去

續修廬州府志

卷九十六

平捻紀略上

罕

同治六年正月奉

上諭湖廣總督著李鴻章補授李瀚章調補江蘇巡撫李鴻章仍著在營督辦勦匪事宜未到任以前湖廣總督著李瀚章署理鴻章疏謝後即於二月初三日親督古州鎮總兵劉士奇奇字馬步八營自徐州起行由歸德至周家口駐紮又檄調山東臬司潘鼎新由濟甯率所部赴豫之尉氏扶溝擇要暫駐時任賴股捻自入鄂後據脅益眾往來剽忽各軍跟追未得痛勦是以賊勢愈熾其初由京山安陸圖渡襄河欲循商洛入秦爲各軍所扼始復竄鄂仍思假道襄樊與秦賊勾合不意淮軍猝集棗陽宜城一帶而霆軍又扼之樊城逆計不得過故於

尹澧河一戰後更道由安陸竄擾桐柏及信陽北長台
開雙井店一帶東犯羅山正月二十八日竄至光山陳
家棚旋折竄潑波河是時山西布政司劉秉璋涼州鎮
總兵周盛波等進軍京山鴻章又令弟昭慶率王永勝
董鳳高等由光商進兵楊鼎勛由周口馳往光州會勦
扼堵北竄捻逆見各軍漸逼折由白雀園竄麻城二月
十四日由廣濟黃梅竄近皖邊適劉秉璋周盛波等軍
由羅田英山馳至太湖迎頭攔擊賊於十六七日由蘄
州蘄水回竄十八日記名藩司彭毓橘與葛承霖等在
蘄水六神港陣亡鄂省西北告警鴻章又檄劉秉璋周
盛波周盛傳等由宿太跟追入鄂李昭慶已抵六安仍
續修廬州府志卷九十六平捻紀略上 聖

諭令督率霆軍追勦鴻章以秦地瘠苦多山有劉松山一軍緊
躡張逆當不致令蔓延而豫中四達之區無一支游擊
之師緊躡任賴一股恐兩股復合勢更難圖乃與國藩
商定疏請暫留霆軍凡賊在開封以西及至汝州河陝
等處均與之縱橫追逐俟任賴一股肅清再行赴陝至
三月中捻股由黃郡西趨卽飛檄催霆軍由樊城迎勦
適鮑超傷病沉重奏請開缺回籍調養霆軍共三十餘
營戰素得力鴻章乃與國藩商派宋國永唐仁廉等統

營進紮慰令超在營臥護諸將並爲奏請得

旨允行去歲張樹珊在德安楊家河接仗陣亡其所部僅隨身
樹字副營弁勇傷亡數百十人餘尙完整鴻章因奏劾
樹前營記名提督劉克仁與各營救護不力請將劉克
仁革職發往軍臺記名總兵董大義張勛宋立新吳宏
洛王得勝均以衆將降補副將董明禮閃鳳來均以游
擊降補仍責令留營帶隊分別參劾以肅軍紀又分撥
樹字六營交劉銘傳節制調遣其餘三營飭張樹珊之
弟張樹屏統帶駐周家口訓練護衛得

旨並如所請行

四月初五日賊自鄂北竄時淮軍之援鄂者李昭慶於

續修廬州府志卷九十六平捻紀略上 聖

三月二十一日已抵德安卽帶王永勝董鳳高等進扼
京山宋河周盛波劉秉璋亦由太湖宿松進蘄黃與楊
鼎勛會於麻城宋埠二十六日進抵雲夢劉銘傳亦由
信陽馳入鄂境應山隨州賊於二十七日由尹澧河郢
東驛泮梓一帶上竄二十五日過安陸府擾及流水溝
豐樂河等處二十七日至棗陽宋家集孫家集一帶將
由襄棗間復窺豫境淮軍開鳳等營馳紮隨州雙河以
扼其北竄之路銘軍與善慶馬隊亦卽改向桐柏一路
探勦四月初一日劉銘傳督隊至游河店時賊竄厲山
一帶邊馬繞至桐柏境四十里冲初二日賊又折竄黃
土關大廟販邊馬擾及譚家河西雙河等處距信陽州

東南四十五里初四日銘軍回防信陽初五日進紮西雙河迎頭截擊適周盛波周盛傳等帶隊由應城趨應山初四日自廣水驛出信陽武勝關賊銳欲東竄但防前敵有兵不虞盛軍躡後時任逆大股在台子莊譚家河並踞民寨牛賴二逆在西山河李允踞平靖關初五日黎明周盛波率三營由台子坂山左進周盛傳率三營由山右進周壽昌劉啟福由中路進賊眾倉皇糾拒我軍槍擊殺數十百人層巒疊嶂中賊騎不能馳驟大半棄騎徒步四竄我軍分路追殺直至譚家河任逆越山南竄其輜重悉存民寨留悍賊守護官軍攻破之牛賴各股自西山河率眾來援周盛波揮軍迎擊援賊又

潰追斬千餘人餘竄入山谷遂令周壽昌劉啟福入南山搜殺賈起勝楊正國入北山搜殺潰賊均向西南狂竄周盛傳率部追至平靖關李允一股橫出迎拒令衛汝貴楊安典等擊卻之盛軍追勦至麻油店始收隊劉啟福正窮迫時見黃鞍賊騎越澗飛逃知係逆首賴汝洗遂策馬緊追冀生擒之爲賴逆從騎回矛刺傷額角啟福負創仍策騎直前踰十餘高嶺至臘梅山幾及賴逆叢林伏賊暗放洋槍擊中啟福腰腹落馬歿於陣事聞照提督例

賜卹是日斬賊匪二千餘名奪獲騾馬千餘匹陣擒賊十八名解散難民甚眾並奪回耕牛二百餘匹分給附近農

民初六日劉銘傳追入平靖關逆股經此大創又折南竄入鄂鴻章料捻賊計東豫麥熟欲出掠食仍恐由隨棗繞竄桐泌或由黃麻出皖西因飭劉銘傳周盛波等由信陽分路入鄂劉秉璋楊鼎勛王永勝等由德安分起北趨應山相機進勦任賴自信陽敗遁是日竄過應山縣城東北適李昭慶遣南贛鎮總兵王永勝徐州鎮總兵董鳳高帶開鳳各營由隨州赴應山探勦與之遇董鳳高率吳鳳柱馬隊迎勦城北賊大隊踵至我軍因壘卽守王永勝等帶馬隊抄擊斃賊數十名生擒捻首范守由賊敗退九十里初六日黎明王永勝董鳳高派六成隊進勦賊卽全股向東南奔竄我軍奮追四十里

至李店賊分股迎敵我軍嚴陣以待副將陳福先衝敵而入及悍賊數十人中槍陣亡我軍戰益力賊大潰竄去追十餘里時已暮收隊回駐李家集賊敗後夜竄孝感小河溪適山西布政使劉秉璋蘇松鎮總兵楊鼎勛帶隊由應山廣水驛向東搜勦初七日賊眾自小河溪奔竄黃安河口鎮劉秉璋與楊鼎勛追抵小河溪李昭慶由德安亦至飛調王永勝董鳳高改由南路赴花園坳勦時捻股屯踞河口上下長山寨一帶劉秉璋等率隊直前初九日至黃家橋賊整隊迎敵勦營副將李占彪匹馬陷陣楊鼎勛督正副兩營馳之賊紛紛敗退劉秉璋飭左路各營進擊賊越山而逃賊酋胡連發率二

十餘騎來降初十日我軍進至長山寨賊馬步大股迎拒各營槍礮連環轟擊自辰至午副將高森茂率弁勇齊進賊陣潰亂擒斬甚多賊復踞河口夜遁去十一日劉秉璋等拔隊緊追楊鼎勛帶所部八營先行已刻至王家田忽山內伏賊馬步七八千人覲我軍頭隊已過突出邀截總兵張遵道力戰死之楊鼎勛飭各營結方陣包裹輜重短兵相接弁勇頗有傷亡劉秉璋聞報遣吳長慶況文榜往援賊敗竄向宋埠四月十二日劉銘傳率各營逆擊擒賊於黃安大敗之賊仍折回安陸境銘軍自初七日抵應山知賊竄河口恐其由黃州下竄安慶卽於初十日馳至黃陂十二日自紫潼河向北攔

截行五十餘里至黃安紫屏鋪遇賊整隊待之賊馬步大股正向東走忽遇官軍隔河排紮馬賊千餘竟過河繞我軍後銘傳派道員丁壽昌分隊護守輜重令劉盛藻一軍由左路擊賊步隊副都統善慶馬隊助之滕學義四營並樹軍三營由右路抄賊後陳振邦馬隊助之劉銘傳自率親兵及黃桂蘭五營由中路迎擊賊亦分路來撲馬賊先經劉朝幹擊敗退過河西劉盛藻督隊過河賴逆率眾迎拒馮汝霖丁汝昌擊敗之任逆見賴股西潰卽率馬步悍賊數千直犯滕學義及樹軍隊伍派牛逆一股迎撲左路賴逆復回拒中路另出馬賊數百繞撲我後馬隊營官陳鳳樓王保勝率部搏戰步賊

繼進董大義等率隊猛衝我軍槍礮如雨斃賊滿地賊猶持矛死鬪滕學義等抄出賊旁賊始大敗各軍乘勝進追敗逆皆踰嶺狂奔我軍分路擒殺數千追三十餘里至陡山收隊昭慶正帶隊進分水嶺忽賊大股自東回竄昭慶督鳳字武毅十二營迎頭鏖戰王有明以炸礮擊潰賊馬副都統溫德勒克西等帶馬隊迎擊步隊各營排進轟擊賊乃奔潰王永勝開字十營在後路遇賊倉猝迎敵賊以全力抄撲王永勝督廖德旺楊正清等直衝賊陣傷悍賊多名各營併力齊進斃賊數百賊奪路向西逃竄生獲賊首潘石頭蔡大義等餘逆仍折回安陸曰口一帶

五月十二日擒賊東竄至山東濟甯之戴廟東師潰運防不守初捻賊自四月十二日之敗日夜圖出鄂境十四擾孝感銘軍追至賊竄雲夢應城曰口天門等處時天久不雨湖河盡涸各軍人馬疲憊無水不足限賊鴻章慮鉅鹿之走急檄霆軍至鄂分屯要隘以防西竄并令銘軍躡其後十五日陳振邦派降將任永清哨官鄧長安馬金敘先率馬勇百餘名追賊雲夢乘夜進擊生擒賊首陳大貴賊走阜市十七至十九日折回京山由郢東洋梓上竄霆軍營務處宋國永等由隨州回軍西向十九日抵棗陽吳家店賊由宋家集竄平林店團山一帶二十日宋國永令記名提督唐仁廉率隊夜襲團

山賊館斬擒賊先鋒悍逆數百名奪獲騾馬二百餘匹
二十二三等日賊由宋家集竄至新野東南朱集水臺
南陽西南清華穰東等處邊馬擾及鎮平鄧州境內鴻
章以豫境四達賊情剽譎異常目下既至南陽郡境不
東走葉裕卽西趨內浙秦豫皆不可不防乃檄劉銘傳
由棗陽緊追出鄂周盛波由信陽馳扼泌陽視賊所向
相機兜勦又令潘鼎新劉士奇兩軍會合迎截以蔽東
路時豫新麥登場二十五六七等日賊由南陽西竄鄧
州鎮平內鄉各境破民寨網載場麥沿途擄糧有由浙
川荆子關入陝之勢適豫軍由南陽進擊而銘軍由棗
陽襄陽緊躡其後二十八日亦追抵鄧州二十九日四

能與賊馳逐而東自應山黃陂西出安陸襄棗間又由
南陽跟勦至鄭汴數月以來幾於無日不追賊雖望風
奔逃而軍士冒暑力馳亦疲不可用賊勢遂熾初國藩
督師勦捻因湘淮軍中素尠騎隊議於東省之運河東
岸豫省之賈魯河沙河西岸沿堤興築長牆圍賊豫省
長牆已於五年八月間爲賊竄破而運隄則屹然巨防
賊屢攻未陷東省賴以完固其分汛則濟甯以北東軍
守之台莊以南湘淮各軍守之其濟甯台莊之間則以
湘軍水師淮軍陸師補其闕迨鴻章接任督師畫一不
改任賴等股遠竄鄂中距運防已遠戍卒多懈東軍所
主自黃河以南申家口戴廟至濟甯石佛寺趙村不及
二百里會天旱水涸運河往往成乾溝人馬可行鴻章
以南陽湖一帶雖有水師徐道奎一營而河乾無水力
不得扼慮運防有失乃飛檄潘鼎新緊躡賊後策應運
防又調昭通鎮總兵沈宏富奇字八營由虞城移紮豐
縣聯絡聲勢並會同山東巡撫布置防扼十二日任逆
以鄆城梁山寨有土匪勾引裝旗起事是日由梁山裹
脅寨匪直犯戴廟午刻東師不守賊馬衝過運河東岸
長牆毀搶東軍統領總兵王心安等營軍械咸盡並擄
船以濟全隊東省水師總兵趙三元亦不能抗是日潘
鼎新劉銘傳馳抵單縣相距僅一日程云
自五月十二日賊渡運河東省告警鴻章因賊勢趨東

卽奏請由周口移駐歸德就近調度於十八日夜督帶親軍馬步隊員兩啟行二十二日馳扼歸德時賊已竄泰安潘鼎新山單縣兩晝夜馳抵濟甯添備糧藥卽由滋陽曲阜向泰安追勦銘軍於十七日亦由單縣堤上馳赴濟甯於是運防東軍盡爲東省撤回腹地與賊角逐鴻章恐賊乘虛回竄飛檄周盛波周盛傳等由曹縣拔往濟甯長溝擇要扼堵又恐賊由泰安折竄沂海復調王永勝開字營沈宏富奇字營赴宿遷駐紮董鳳高鳳字營孔昭右華字營併扼韓庄以備南路劉秉璋及李昭慶由鄂馳回令秉璋赴濟甯休士待戰昭慶赴徐州宿遷防勦時賊分兩股一竄甯陽一竄萊蕪青石關

等處其勢漸向青州一路欲趨登萊劉銘傳潘鼎新因建倒守運防進扼膠萊蹙之海隅制賊奔竄之議鴻章隨之六月初一日飭銘傳一軍由濟甯向泰安萊蕪徑趨青州爲中路潘鼎新一軍由濰縣昌邑赴萊州爲北路又派徐州鎮董鳳高昭通鎮沈宏富馬步十五營由郊城蘭山進莒州爲南路三路兜截而前以期逼入登萊會合東軍相機扼堵旋具疏陳略言賊竄登萊我軍卽於膠萊咽喉設法兜逼使北不至竄入畿疆南不得蔓延淮海局勢自較緊湊奏入得

旨俞允嗣奉

旨命李鴻章移駐東境鴻章乃由歸德啟程抵濟甯於時運河

之防豫撫派張曜宋慶兩軍分紮東平以上靳口至黃河沈家口百餘里周盛波分紮開河至靳口一帶劉秉璋分紮濟甯至開河一帶楊鼎勛分紮趙村石佛寺至南陽湖一帶安撫英翰派黃秉鈞統英字一軍赴宿遷向上游扼紮張得勝凱字一軍赴貓兒窩灘上向下游扼紮程文炳強字一軍居中策應並調水師三營入運巡護鴻章又令昭慶督所部由灘上黃桂莊接守至韓莊八閘一帶各軍皆先後到防興築堤牆炎風烈日之中晝夜工作士氣甚爲奮發又奉

諭以防勦機宜間不容髮令卽星夜馳赴前敵就近調度以期

呼應靈通鴻章卽疏陳曰自來流賊最難追勦而流賊

之速尤莫如今日之捻逆中原平曠萬騎衝突無可限制日輒百數十里或二百里無論我軍步隊笨滯力不相及卽使及賊見仗而此截彼竄橫行側出賊路不窮我力必有時而窮迨日久追逐疲憊爲賊所乘往往一蹶不振自勦捻以來十數年如一轍雖追賊神速如僧格林沁尙且不能成功臣等自問萬不能及故欲滅此賊計惟有兜圍之一法臣曾屢奏及之曾國藩始思變計初議四鎮之設繼議沙河賈魯河之守本年春間左宗棠曾國荃又擬爲白口之圍皆欲偪之不流蹙之漸緊也自臣受事抵豫賊已入鄂各軍與賊轉戰鄂豫數月迄無機勢可乘惟有嚴檄諸軍往來躡擊追賊由豫

竄東臣思東省運防屢經賊撲向稱可恃遂急注意布扼曹單豐碭舊河堤欲困之黃運之間以爲得地乃不數日而賊已渡運臣由歸德馳赴濟甯與劉銘傳等面商不得已復爲蹙賊登萊之計先借各省兵力協守運河西堤以圖圍制而遏回竄續奉六月初五日寄

諭抄發劉長佑英翰等原摺皆言之甚切與臣所部署均屬相

符是目前辦賊捨此更無良策臣更衡量利害之輕重與其馳逐終年流毒江皖東豫楚各省不如棄一隅以誘之與其往復運東濟泰兗沂青及蘇之徐淮海各屬均受其害不如專棄登萊以扼之膠萊河之守不密則登萊無可扼運河之守不密則膠萊仍不足恃賊踪已

續修廬州府志

卷九十八

平捻紀略上

至

向膠東事勢至此機會可圖但求萬全不爭一日故臣立意必運堤與膠萊河兩防均已布定乃可抽兵進剿庶得一仗是一仗滅一賊少一賊賊智自困而兵力不疲明知此計至愚至拙亦至難然不若此更不足以制賊疊經函商丁寶楨屬其勿遽窮追反驅出境卽兵力未集而迫之過緊使之窺破機關轉虞脫逸並告以蹙之一字宜求實濟勿尙虛功恭讀六月初四日寄

諭令丁寶楨宜妥籌兼顧杜賊回竄不可專事尾追致賊蔓延

尤服

聖謨之洞照臣惟日夜圖維先固守局而後進兵此臣籌辦之大致也東蘇兩境運堤袤長千里苟非各督撫關顧大

局通力合作臣軍斷不敷用皖豫派到各軍與淮軍分守宿遷以上地段臣前奏明現今令於兩岸排築長牆分哨過運東就舊牆修繕礮臺犄角護守方在漏夜興工非月餘不能牢固而宿遷以下至清江堤幾二百里尙無守兵漕臣張之萬兵力止能自保蘇省防軍無可再調臣僅調前金門鎮王鍾華提督李洪達水師三營分布宿遷亭濟閘下至鹽河箝口壩一帶但苦無陸師依護復經函商浙江撫臣馬新貽請其速派五千人北上協守宿遷桃源運堤以補其隙尙未接復疊准李瀚章曾國荃咨稱已派提督譚仁芳總兵劉維楨率萬二千

續修廬州府志

卷九十八

平捻紀略上

至

五千人前來助守均尙未得啟程日期故運防尙未布滿卽暫無兵替入膠萊河距南北海口潘鼎新函稱二百七十里丁寶楨則云約三百里以每營三里計之須百營布守至少亦須八十營劉銘傳等三路之師日內先後已到然步隊止四十六營臣復擬調豫軍宋慶十二營淮軍王永勝開字十營由運河續行抽出必合之丁寶楨所部東軍三十一營始可密布丁寶楨止允以十一營相助而臣添調運防之宋王兩軍又須牆工稍整乃可拔隊若丁寶楨盡以東軍協守目前略可敷用未知果否准行連日據報賊蹤盤旋萊陽掖縣仍向東北駛竄臣飭劉銘傳等如賊外向當設法堵入並商請

丁寶楨移營分扼若膠萊之守未成卽不能銳意擊賊若賊或竄出膠萊諸將必能跟踪急追臣雖庸懦前勦辦江蘇粵逆凡遇堅城要地每多親往督攻蓋勦守賊與辦流賊情事本自不同況此時運防各軍已到築牆紮營既須就近督飭布置而直隸湖北浙江之未到者尙有二萬餘人沿途催趨照應及將來調派抽替皆臣所當主持皆須在濟甯居中籌辦若遠舍之前進則五省客兵何所稟承運防門戶未扃膠萊咽喉未斷臣卽親往尙無裨益而大局轉有妨碍兵事百變臣誠不敢謂運防旣成滅賊必有把握然立意已定則經營尤須盡善此臣暫難卽赴前敵之實情也伏讀初五日寄

續修廬州府志

卷九十八

平捻紀略上

奎

諭應否揀派威望素著大員統領前敵諸軍以一進止之處著該大臣酌量辦理臣部湘淮各將久共戰陣素相輯睦號令尙無不齊此次派兵入東臣因直隸提督劉銘傳深達機要與潘鼎新同建倒守運河進扼膠萊之議曾令該提督就近察酌前敵情形妥籌調派隨時會商丁寶楨協同東軍籌辦膠萊一帶扼勦事宜但使諸將力所能勉臣函牘交催當不致誤一俟各省調兵到齊運河膠萊兩防部署略定臣再抽選勁旅移營前往督飭進擊以期聚殲總之此時大局先圖兜困此賊不求一時戰功臣若令劉銘傳潘鼎新等追進登萊計亦可獲小勝驅之使出惟念捻流竄多年數省塗炭實貽

聖主宵旰之憂及今地利人力幸有可辦之機惟辦理須有次第臣何敢避迂緩之名而不竭力經營顧彼失此貽誤

全局疏入報可時銘軍於十三日已抵平度州瓦廟口鼎軍於十二日移駐掖縣新河口而任賴股逆於初九初十日由萊陽北趨招遠黃縣境內賊股全趨海濰設守膠萊河之議乃益堅潘鼎新擬捨膠萊河海倉口外數十里不守而從新河西平地築牆橫紮至濰河東岸復就濰河築牆以瀕於海鴻章山東巡撫丁寶楨議定自新河南紮至大成寺一百一十里令劉銘傳全軍守之自大成寺至吳家開一帶約六十里令董鳳高沈宏富二軍守之自吳家開至麻灣口約八十里東軍守之

續修廬州府志

卷九十八

平捻紀略上

焉

俱於西岸增修長牆自新河至濰河東岸潘鼎新守之其濰河西自夏店至海口水深泥淖亦屬東軍分守以補其隙又調豫軍宋慶毅字十二營王永勝開字十營由運防馳赴膠萊河會同劉銘傳相機策應其東平宿遷兩防暫令豫軍張曜淮軍李昭慶勾紮替守以固運防鴻章於二十二日親歷東境運河上下銘鼎奇鳳四軍與東軍所修膠萊河牆亦於六月下旬冒暑雨築竣七月初三日豫軍宋慶到防填紮吳家口一帶惟濰河西辛安莊北至海空五六十里潘鼎新劉銘傳暫派馬隊六營沿河巡哨使王永勝回顧運防騰出王成謙一軍至膠萊扼紮又檄提督傅振邦率所部千二百人馳

赴濰西勸集團練協力堵剿是時賊已深入海曲故膠萊守禦得漸就緒

七月二十日捻逆全股由海神廟撲度濰河膠萊防潰賊又南趨初捻股於六月十一二日游奕福山甯海一帶聞我軍扼紮膠萊河卽疾馳回竄七月初一日由卽墨撲麻灣一帶東軍汎地丁寶楨督東軍進擊敗之遂折竄平度卽墨交界距淮軍汎地三四十里往來窺伺銘軍過河巡徼賊不敢近初七日又犯鼎軍所防新河一帶初八九日竄萊州附近時王永勝一軍已紮防運隄東軍王成謙所部於十三日到防卽紮守濰河西岸接潘鼎新守地北至下營三十六里下營以北沙灘最

淺者尙有魚里舖至海神廟十餘里王成謙派原紮辛安莊之東軍已革總兵王心安平字四營往守心安到防銘軍巡哨馬隊遂撤賊知我軍將蹙之海濱以圖聚斂乃爲困獸之鬪十六日五鼓賊馬步大隊猛撲豫軍宋慶所守新河地段捨死衝突游擊蔣尙鈞千總程允和抽守牆勇四百人繞賊後來擊斃賊甚多生擒毫捻老賊三十餘人奪獲騾馬四五百匹追奔二十餘里賊旋向萊州西北竄走任賴諸逆知膠萊河一百餘里牆堅濠深守禦嚴密無懈可乘於是有圖渡濰河之舉時濰西岸下營至海口最要之地東軍王心安僅以四營守之營壘初成河牆未築賊諜知情實乃於二十日辰

刻全股由海神廟以北十數里外海灘撲渡濰河王心安營潰營官胡祖勝哨弁七八員勇丁六七百名同時陣亡王心安獨跳身遁王成謙亦不敢救賊遂一擁過河鼎軍距失事汎地四十餘里聞信卽督隊邀擊斃賊數百賊已漏網急向西南奔竄二十一二日銘字鼎字各營及董鳳高王永勝沈宏富先後得信均拔全隊緊蹙而西追至濰縣賊竄昌樂東南二十三日分股由安邱臨朐南竄有南犯沂莒海沐清口之意於是膠萊之防又潰

七月十九日鄂軍譚仁芳劉維楨等到防鴻章令接替靳口至亨濟開防務抽調劉秉璋周盛波兩軍東向膠

萊鴻章親於二十二日由濟甯州督隊進發二十六日馳抵濟南膠萊失守之報至時運防自韓莊以下李昭慶以十九營守之汎地長一百七十里宿遷仰化集下至桃源僅有水師往來梭織視全防兵力爲最單鴻章旣聞警立飭劉秉璋周盛波分兵由濟南改道逕赴泰安沂州攔剿又檄董鳳高王永勝各軍由沂州馳回臺莊灘上一帶協防劉銘傳統大隊緊蹙賊後宋慶一軍折回運堤原防地段仍酌派精銳以備游擊汶上東平等處又慮南路空虛飛調周盛波周盛傳部下由郟城邳州蹙蹙進剿潘鼎新由嶧縣臺莊並進邳嶺一帶而親督劉秉璋沈宏富溫德勒克西馬德順等馬步隊進

駐東省與江蘇界沿運之臺莊居中調度咨商東撫派王成謙王正起等軍扼紮莒沂要隘之十字路丁寶楨亦自帶楊飛熊軍十營駐沂堵賊犯運時賊南竄董鳳高率馬步七營追之二十六日及於莒州卽帶隊抄前時秫黍蔽野鳳高伏馬隊於秫叢中步隊列陣以待未幾賊騎蜂擁來犯我軍俟近開槍擊之步隊猶繼進我軍僞遁誘入秫叢馬隊伏起裹賊賊不得相顧自相踐蹈其悍賊奮力竄出向西遁我軍追殺十餘里次日黎明分路進躡甫過莒州南門有馬賊百餘騎西來我軍分隊迎擊步賊條四面至總兵魏興慶開放劈山砲斃賊數十槍礮隊環轟而進營官董學友孫文科王芝生等奮戰吳鳳柱又帶馬隊橫擊賊腰董鳳高親督血戰兩時許賊散而復聚有騎馬賊酋數十督陣不退手大旗揮賊進拒王芝生突入其陣斫三賊咸仆之奪其大旗餘酋驚遁賊遂奔潰我軍追殺二十餘里陣亡弁勇二十八名受傷四十餘名

八月初六日董鳳高回赴運防抵汛接守貓兒窩至灘上三十里李昭慶移守韓莊至黃林莊以下王永勝亦至邳州之官河夾護運防上下游擊十一日鴻章抵臺庄以宿遷仰化集下至清河尚無陸軍駐扼遂派襄辦軍務山西布政使劉秉璋率所部及沈宏富奇字七營由臺庄渡河馳赴桃源會合浙軍聯紮至清河以上時

膠萊防潰

朝廷甚慮運防難以堵截

諭旨詢問鴻章覆陳曰從前議守運河原恐膠萊之防倉猝難

成畫遠圖以扼歸路所集皖豫鄂各軍皆以守本境者移守外戶能守固有裨大局卽不可守剋日回援計固兩便而臣軍全係步隊迎勦數省奔逐數年功效毫無精力實甚疲憊無論賊竄何處責望悉歸於臣軍士必苦相驅迫勞怨不支勢且潰決臣日夜憂之諸將稍懷忠義者皆力勸就地圍賊使其竄地較狹追勦較近我得藉屯守以更番休息賊或限方隅而漸有窮期以是曾國藩創守賈魯沙河與運東臣又議守膠萊河與運

西皆萬不得已相機勢而爲之非謂遂有把握也自去歲豫軍疎於汴南今則齊軍一疎於戴廟冉疎於濰西人力不齊前功盡棄膠萊河防三百餘里尙不可靠沿運千里調兵數省敢自謂可恃乎然反覆籌思賊正急欲出運萬一力堵不住亦勝負之偶然若先撤運防是已賊以弱也守運各軍早夜修防尙無疲倦較窮年追逐者勞逸飢飽略殊忽令守忽又令不守軍心能無惶惑運河東南北三面賊氛來往竄擾官軍分路兜逐地方必受蹂躪然不過數府州之地驅過運西則數省流毒無窮同是疆土同是赤子亦未便歧視也今使罷運防而另有制賊之法臣必速罷若更無可制賊似不若

得守且守能戰卽戰盡人力以待事機如因地段爲遠疎漏致賊逸出或冬令水涸冰凍慮生他變再行相機變通辦理賊無常勢兵有定形以臣才力兵力竭蹶之狀辦此流賊尤不敢懸擬成局容隨時察度賊情會商曾國藩暨各督撫妥慎籌奪奏

聞報可鴻章憂淮軍糧食不繼飭經過州縣預購由營照市給價取用又慮行營攜銀不足令軍中具收到糧食印領交地方官申送糧臺領銀仍扣本軍之餉乃銘鼎兩軍前赴膠萊沿途州縣卽有閉城不應者比膠萊軍南下各城鎮皆遏羅銘軍至郟城營中斷糧三日勇丁日逐賊隊而行值秋雨連綿道路泥濘饑疲交踵偃仆

相望鴻章深以爲憂咨商東省當事令各地方官預提公欸若干購存麥麵小米各若干石以便追軍過境給價采用復具奏陳之奉

旨地方官於客軍過境倘延不付給糧米許卽查叅於是軍行始漸免枵腹之患
八月初八日我軍馳抵贛榆沙河鎮行二十餘里遇賊大股沿佳穀南來善慶陳振邦馬隊抄前擊之擒斬數十名賊且拒且走善慶陳振邦追至顏家莊賊抵死回拒善慶等戰稍卻唐定奎黃桂蘭步隊繼進賊亦分隊相抗馬賊截我後丁壽昌率礮隊至視賊所向連放炸礮火箭斃賊多人賊始不敢南竄折向西遁西卽郟城

境也時賊騎見銘軍旗幟每避走初十日銘軍追抵郟城賊南奔紅花埠十二日竄沐陽城西新河一帶我軍躡之而前十三日甫過殷坪前有黃泥河水勢陡漲河上僅一橋通往來賊隊先已過橋任逆獨率步賊千餘殿見我軍追至親堵橋口銘傳飛調礮隊前擊斃賊百餘人賊棄橋潰劉朝幹等五營追過橋截擊賊之輜重獲之賊渡沙河南奔夜各營皆搭造浮橋次日黎明銘傳率馬步過河行十餘里見賊騎紛走令陳振邦衝擊善慶接應賊不敢回顧善慶等乘勢擊斬俘獲甚多任逆率眾回拒意欲死鬪銘傳令黃桂蘭唐定奎由西岸進自統劉盛藻親軍繼入善慶等爲騎賊所裹步賊又蠢擁來犯戰未決適銘傳率大隊至揮令步隊槍礮環轟而進賊抵死不退黃桂蘭督劉克仁吳宏洛張士元等執長矛衝入悍賊皆以短兵迎戰格鬪兩時許唐定奎又率滕學義等大呼陷陣賊始紛紛潰敗時賊之大股犯沐陽縣城攻撲甚急銘軍旣破賊馳抵沐陽城南城圍立解是役也我軍僅傷亡數十人生擒領白旗左隊逆首蔡有城俘獲三百餘名槍斃及落水死者無慮千數十五日以後賊遂西走宿遷對岸圖撲運防及六塘河經皖軍及漕督防兵分堵皆未得逞二十日賊據宿遷程寨劉銘傳與潘鼎新周盛波各軍冒雨進躡抄擊賊館數處擒斬數十人賊由窑灣邳州北遁

二十二日奉寄

諭旨國藩李鴻章歷次奏請採買戰馬不下八千餘匹駝隻幾

及千匹現在存營究有若干僧格林沁所部馬隊除裁

撤外現在存營馬隊官兵並馬匹數目若干將領出色

者若干員均著李鴻章查明迅速覆奏鴻章卽具疏略

陳曰查曾國藩與臣歷次派員出口採辦戰馬隨時陸

續發交各營募練馬勇惟鮑超劉銘傳兩軍馬隊較多

鮑超馬隊十二營經曾國藩奏明裁撤令提督唐仁廉

挑選驍壯馬八百匹帶赴臣營頃已編立仁字三營交

其訓練協勦劉銘傳所部吉林黑龍江馬隊官兵共七

百十五名並馬勇二營係副都統善慶統帶又馬勇五

續修廬州府志

卷九十六

平定紀略上

三

營係副將陳振邦統帶此外劉秉璋潘鼎新周盛波等

各有馬勇二三營不等李昭慶所統馬勇四營現隨臣

行營操練臣逐細察度勦捻必要馬隊得力而捻極狡

悍動以萬騎夾數萬步團拚死包裹彼旣馬步並進我

亦須馬步相依立腳才穩專用步隊則馳驟不速專用

馬隊則出入太大逆首任化邦卽任柱馬賊死黨最多

僧格林沁初專以馬隊勦捻極利晚年騎將不甚得力

而賊鋒過銳亦賴步隊相依蓋十餘年慣戰之賊不比

新起股匪也臣等以南人練馬隊本非素習又少騎將

經營兩年愧無成效現維劉銘傳騎卒較多尙可與賊

搏逐然亦難操必勝其餘步隊出勦須有馬隊探護躡

追昨方函商曾國藩廣籌餉源再議添調或俟運防得

罷酌裁守軍騰出添練馬隊之餉至馬匹到南隨營游

擊疾症易生麵料難購動輒倒斃仍須隨時購補各營

駝隻運解輜重自冬徂夏奔馳楚豫東各省亦多病斃

俟飭查現存數目再行具陳至僧格林沁所部馬隊除

迭次遣撤外現止吉林黑龍江黃旗馬隊三百二十員

名又已革漢軍正黃旗副都統溫德勒克西所帶察哈

爾頭二起馬隊係僧格林沁殉難後始行調到現止二

百九十餘員名隨臣差遣馬匹不足亦待新購口馬到

時酌補再令出勦此外僧格林沁所部並無餘存亦無

另有將領出色之員云云疏入報

續修廬州府志

卷九十六

平定紀略上

三

聞